

418/25
430/25

5078

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA**

**Služba za socijalnu zaštitu, stambene poslove i društvene djelatnosti
Trg BiH 6 - 72 000 Zenica**

Broj: 07-11-10602/25
Zenica: 23.05.2025. godine

- 12 -
[Signature]

STRUČNA SLUŽBA GRADSKOG VIJEĆA

**PREDMET: Stav Službe, Izvještaj o radu JP „Radio-televizija Zenica“ za
2024. godinu; dostavlja se;**

Javno preduzeće Radio-televizija Zenica osnovano je 23. maja 1995. godine. U sastav ovog javnog preduzeća ušlo je i dotadašnje preduzeće „Radio-Zenica“ d.d. Zenica.

U organizacionom smislu, JP „RTV Zenica“ registrovano je kao društvo s ograničenom odgovornošću sa 67,5% državnog i 32,5% privatnog kapitala, a osnivači su Općina/Grad Zenica i mali udjelničari. Osnovna djelatnost JP „RTV“ Zenica je proizvodnja, prenos i emitovanje radio i televizijskog programa namijenjenog javnosti.

Grad Zenica u kontinuitetu ulaže sredstva za poboljšanje emisionog sistema, nabavku opreme i stalnih sredstava. Televizija Zenica je, u godini koju obuhvata ovaj izvještajni period, obilježila 29 godina postojanja i rada. U 2024. godini osnovna programska orijentacija bila je usmjerena na informisanje gledalaca i slušalaca o lokalnim temama i događajima od značaja za lokalnu zajednicu, što je i programski uslov iz desetogodišnjih dozvola koje je 2012. godine izdala Regulatorna agencija za komunikacije.

JP „RTV Zenica“ ima tri medija –Radio, Televiziju i web stranicu „www.zenicainfo.ba“. Radio Zenica je regionalna javna stanica koja program emituje 24 sata. Radio i TV Zenica imaju status javnih stanica, što je regulisano i važećim dozvolama. Regulatorna agencija za komunikacije dala je 2012. godine desetogodišnje dozvole za rad Radiju i Televiziji Zenica.

Grad Zenica kao osnivač u 2024. godini finansirao je realizaciju dijela proizvodnje i emitovanja programa RTV Zenica sa 430.000,00 KM + 50.000,00 KM za razvoj emisionog sistema. U istoj godini iz budžeta Grada podržane su sljedeće manifestacije: Dan Zenice, Zenica Summer Fest, Zenica Adventure.

Prihodi JP RTV Zenica za period 01.01 – 31.12.2024. godine iznosili su **1.620.064,00 KM**. Rashodi JP RTV Zenica za period 01.01 – 31.12.2024. godine iznosili su **1.610.730,00 KM**. U izvještajnom periodu 2024. godine JP «RTV ZENICA» D.O.O. ZENICA je ostvarilo pozitivan finansijski rezultat u iznosu od **9.334,00 KM**.

Prosječan broj zaposlenih je 33, od čega osam novinara, pet reportera, tri A-V tehničara, tri snimatelja, jednog operatora, dva arhivara, jednog tehničara, jednog elektrotehničara za

sistem tv prijenosa i jednog montera radio-televizijske elektronike. Upravu čini ukupno Sekretar Društva, Certificirani računovođa/službenik za javne nabavke, Marketing planer, Administrator, Referent „za prodaju malih oglasa“, Vozač i Čistačica. Prosjek starosti zaposlenika JP RTV Zenica je 50 godina.

Saradnja Službe sa menadžmentom ustanove je zadovoljavajuća u smislu pristupačnosti, međusobne komunikacije, zajedničkih projekata te realizacije osnivačkih obaveza, a isto važi i za saradnju sa Nadzornim odborom Preduzeća.

U skladu sa svojim nadležnostima, Nadzorni odbor je davao saglasnost na potpisivanje kompenzacija, te razmatrao i druge akte iz svoje nadležnosti, uključujući obavezu nadzora Uprave društva, nadziranja poslovanja Društva, nadzor nad zakonitošću poslovanja Društva itd.

Krajem 2024. godine Odlukom Nadzornog odbora, broj: 1014/24 od 08.11.2024. godine, prije isteka mandata na koji je imenovan, Nandino Škrbić razriješen je dužnosti direktora JP „RTV ZENICA“ d.o.o. Zenica.

Na poziciju direktora Društva u četvorogodišnjem mandatu imenovan je Dino Pašalić Odlukom, broj: 1051/24 od 02.12.2024. godin, koji je razriješen dužnosti direktora JP „RTV ZENICA“ d.o.o. Zenica prije isteka mandata na koji je imenovan, Odlukom Nadzornog odbora, broj: 449/25 od 25.03.2025. godine.

Odlukom Nadzornog odbora, broj: 450/25 od 25.03.2025. godine za vršioca dužnosti direktora JP „RTV ZENICA“ d.o.o. Zenica iz reda stručnih radnika zaposlenih u Društvu imenovan je Adis Čolaković, počev od 01.04.2025. godine do okončanja konkursne procedure.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Preduzeća, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JP „RTV Zenica“ za 2024. godinu na razmatranje.

PRILOG:

1. Izvještaj o radu i poslovanju JP "Radio-telvizija Zenica" d.o.o Zenica za 2024.godinu;
2. Finansijski izvještaj za 2024. godinu sa izvještajem ovlaštenog revizora;
3. Odluka Nadzornog odbora o usvajanju Finansijskog izvještaja o poslovanju u 2024. godini;

DOSTAVLJENO:

- 1 x Naslov
- 1 x a/a

